

GUNADULE

# La Constitución de 1991 y la Corte Constitucional



# ¿Ibisoge Constitución?

Wei igalamaidi garda golo dummadi mairi we nabbagine Colombia, igala dummadi sagla. We garda golo igala mairi anmala sabguedi, uggine igala mesisa igi galudummagana waggadi buggwadi addaggenanoe belaguabba.


Garda golo Constitución 1991 we garda golo gine addaggegua anmala dule buggwadi aggala aggala buggwadi we nabba Colombia nabir sunmaggegala wala dummagana anmalamesa, dule aggala aggala buggwadi. Aga nabir sogle we garda golo nosa anmalgine addagge nanegala igalaba maidbali.

Garda golo Constitución sunmamay sabguedi igala dulemala aggala aggala we nabbagine Colombia buggwadi nabir na igala onasgguegala, edaedi, eigala daniggidi, waga dummagana addage nanega, nabba aggwedi.



- Artículo anbe gaggabbagine, soymay anmala yobimala anmala buggwadi we nabbagine
- Artículo babaggagine, anmal daedi sabguelibie
- Artículo baggebaggine anmala daedi onasggue
- Artículo anbegin, anmala sunmaggedi we nabbagine Colombia anmala sunmaggedi sunsogedi durdaggedi anmala igala waga gaya igala.
- Artículo dulabba gaggabba, soymay nabba aggwedi igala, soge nabba resgurado we gadegua, gege manigague, gege e burba belgue.
- Artículo dulabba gaggababagga, sunmamay durdaggedi igala, anmala igala adedi oganoedi.
- Artículo dulabba gagganbe , igala may waga dummagana anmala sabguedi, anmala binaleguedi, anmala igagla daniggidi yobbigua.
- Artículo dulabba gagganbe gaggaboy, naggulegedi niga anmala nabba naidi waga dummagana nabiri anmala brndaggoe.





## **¿Ibisoge Corte Constitucional?**

Corte Constitucional sogsa naggulebie beilege garda gologua sogmaidbali Constitución Polfítica 1991 igala ile ile may anmala nabir bendalegega.

Waga dummagana buggwa wala baggebagga onuggelege Senadoba, Corte Suprema Justicia balmisimoga, Consejo Estado, Presidente dummadi, we dummagana balmisimo walguen walguen onuisalegega wemala ganasumaloe anmala bendaggegala anmala sabguega mele sablesuligegala.

We nabba nuga nación anmalgin buggwad wegin igal may anmal sabguled igal, anmal daed igal, anmal binsaed igal, aga soile we Estado anmal bendagged, anmal sabgued igal may we nabbagin anmal buggwad aggal aggal we nabbagin buggwamalad, anmal yobbi bendalebie.